



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

I. Inquirenda nunc initia Vicariatus Thessalonicensis, ut possimus cuius primùm Romani Pontificis beneficio debeatur. Veteres ad Damasum referunt. Recentiores quidam negant; adeo ut inventus sit qui ...

urn:nbn:de:hbz:466:1-15617

tradicendum non esse beato Petro in his provinciis, respexisse videtur ad locum ex epistola Bonifacij ad Rufum Episcopum Thessalonicensem, quem supra retulimus, in quo vicarius dicitur Ecclesiae Thessalonicensi concessus fuisse à beato Petro. Respxit etiam haud dubie ad epistolam Leonis primi ad Anastasium Thessalonensem. Nam Leo statim in initio illius epistolæ vicariam illam potestatem à beato Petro repetit, sic tamen ut etiam se nonnulla concessisse doceat.

Quanta fraternitat tue, inquit, à beatissimi Petri Apostoli autoritate commissa sint, & qualia etiam nostro tibi favore sint credita, si vera ratione perficeres & justo examine ponderares, multum possumus de injuncte tibi sollicitudinis devotione gaudere. Vnde etiam colligi potest vicariatum illum aeterna lege concessum fuisse Ecclesiae Thessalonensi, ita ut quicunque sedis illius Episcopus esset, is Legatus natus esset Romani Pontificis in Illyrico, ut illufrissimi Archiepiscopi verbis utatur. Vedit ista Dionysius Exiguus, siuque etiam attestatione docuit fixam fuisse illam dignitatem, hoc lemma apponens primo capitulo istius epistolæ Leonis ad Anastasium:

Quod semper Thessalonicensis antistes vices apostolice sedis impleverit. Quod non ita tamen intelligendum est ac si dicere voluisset Dionysius Thessalonensem antistitem fuisse sedis apostolicae Vicarium in Illyrico in initiis susceptæ à Romanis fidei fundataeque apud ipsos cathedralæ. Illud enim tantum dicere voluit, ex quo primum tempore dignitas illa conlata est Ecclesiae Thessalonicensi, ab ea nunquam fuisse divisam, & sedis illius Episcopum semper ab illo tempore vices apostolicae sedis implevisse. Repercibat enim ad initia vicariatus, & ad ætatem suam, qua vigebat adhuc ea auctoritas in Episcopo Thessalonensi.

*X. Denique Iustinianus Imperator cùm prima Iustinianæ antistitem ad eam omnino dignitatem evehere cogitaret quam Thessalonicensis obtinebat in Illyrico, etiam vices apostolicae sedis ei aeterna lege committi à Vigilio Papa obtinuit per sex provincias Illyricanas. Ait enim in Novella constitutio-ne cxxxi. constituere se ut is qui pro tempore fuerit Archiepiscopus primæ Iustinianæ, habeat semper sub sua jurisdictione Episcopos illarum sex provinciarum, & ut in subjectis sibi provinciis locum obtineat sedis apostolicae Romæ, secundum ea quæ definita sunt à sanctissimo Papa Vigilio. Certè sanctus Gregorius vices suas delegans Archiepiscopo primæ Iustinianæ, ait se id facere *juxta morem*, ut adnotabimus infra. Veritas porro consuetudinem magni momenti*

esse in istiusmodi rebus diximus supra, & iterum reperemus in causa Ioannis Episcopi Nicopolitani. Itaque ut ad id redeamus unde digressi sumus, modus agendi quem in hac causa usurpavit Iustinianus satis evincit vicariam Thessalonicensis Episcopi dignitatem fuisse perpetuam, ita ut ille qui Thessalonicensis Ecclesiam pro tempore regebat, eo ipso esset apostolicæ sedis Vicarius, cùm ad iultus exemplum Iustinianus eam prærogativam antistiti patriæ sue procuraverit.

C A P V T XXIII.

Synopsis.

I. Inquirenda nunc initia Vicariatus Thessalonicensis, ut scire possumus cujus primum Romani Pontificis beneficio debeatur. Veteres ad Damasum referunt. Recentiores quidam negant; adeo ut inventus sit quidam Nicolaum primum argueret mendacij.

II. Referuntur verba Nicolai, simulque docetur locum ejus esse corruptum ac mutilum.

III. Auctoritate etiam Ioannis VIII. confici potest initia Vicariatus istius referenda esse ad Damasum.

IV. Probatur preterea ex Innocentio I. qui suppar Damaso fuit.

V. Adversus illorum testimonia opponi potest epistola Sirici; qui vices suas delegans Anysio, nullam Damasi mentionem facit. Praterea Leo I. repertus initia istius Vicariatus, à Siricio incipit, omisso Damaso. Sed controversia illa facile comporatur, explicato loco Leonis.

VI. Frastra se torquent qui querunt utrum Acholius Illyrici Primus à Damaso constitutus fuerit ante Concilium Aquileiense. Ratio Hallierij ut ostendat eum Damasi Vicariatu ornatum non fuisse anno 382.

*I. S*UPERATIS tandem tot difficultatibus quibus obscuratus erat vicarius Thessalonicensis, inquirenda nunc sunt initia ejus, ut sciamus cujus primum Romani Pontificis beneficio tantam auctoritatem deberent Episcopi Thessalonenses. Negotium illud antiqui Pontifices uno verbo definiunt, eam liberalitatem referentes ad Damasum, cuius tempore Acholius & Anysius Thessalonensem cathedralm tenuerunt. Contrà, recentiores nonnulli, cùm viderent non extare Damasi rescripta de vicariatu Episcoporum qui apud Thessalonicam fuerunt illa ætate, illum negarunt istius rei auctorem fuisse; quinimo inventus est qui Nicolaum primum argueret mendacij, initia-que vicariatus istius referret ad Bonifacium Papam istius nominis primum. Alter & hi & iste sensissent, si durasset in hac ultima beatissimi seculi tempora, vidissimque editas ex archivo seu bibliotheca sedis apostolicae epistolas illas veterum Pontificum quas commemorat Nicolaus, inventas à clarissi-

mo viro Luca Holstenio. Illarum nos auctoritate vindicaturi Nicolaum sumus à suspicione mendacij, simul ostensuri vicariatum Episcoporum Thessalonicensium incepisse à Damaso, sed à Siricio certa ratione firmatum fuisse.

II. Antequam verò illarum epistolarum testimonis utamur, luber heic describere locum ex epistola Nicolai, utpote qui manifestè respiciat ad epistolas editas in Collectione Holstenij. Sic igitur scribit Nicolaus ad Michaëlem Imperatorem in epistola secunda: *Oportet enim vestrum imperiale decus, quod in omnibus ecclesiasticis imperiis vigere audiavimus, ut antiquum morem quem nostra Ecclesia habuit, vestris temporibus restaurare dignemini; quatenus vicem quam nostra sedes per Episcopos vestris in partibus constitutos habuit, videlicet Thessalonicensem, qui Romana sedis vicem per Epitum veterem, Epitumque novam, atque Illyricum, Macedoniam, Thessalam, Achaiam, Daciam ripensem, Daciāmque mediterraneam, Mæsiam, Dardaniam, & Pœvalium, beato Petro Apostolorum principi contradicere nullus presumat, que antecessorum nostrorum temporibus, scilicet Damasi, Siricij, Innocentij, Bonifacij, Celestini, Sixti, Leonis, Hilari, Simplicity, Felicis, atque Hormisdæ sanctorum Pontificum, sacris dispositionibus augebatur. Quorum denique institutiones ab eis illis in partibus destinatas per nostros Missos, ut rei veritatem cognoscere queatis, vestre augustali potestate dirigere curavimus.* Omisit hoc loco librarius nomen Anastasij Papæ, qui inter Siricium & Innocentium sedit, quem verò suas per Illyricum commisso Anysio Thessalonicensi Episcopo constat ex Innocentij epistola ad Anysium. Sanè locum hunc Nicolai esse valde corruptum ac mutilum nemo est qui non videat.

III. Nicolao succedat Ioannes III. qui ad Ignatium Patriarcham Constantinopolitanum scribens, Bulgariam, id est, Illyricum, à Damaso Papa & sequentibus Pontificibus informatam fuisse ait. Referenda sunt autem ipsa viri verba: *Nullus autem ignorat, inquit, regionem Bulgarum à sancte memorie Damaso Papa & deinceps usque ad paganorum irruptionem à sedis apostolice Presulibus, quantum ad ecclesiastica provisionis attinet prilegium, moderatam; presertim cum hoc nonnulla scripta, sed precipue diversorum Pontificum Romanorum res geste, que in regeftis antiquitus nostra reservantur Ecclesie, clarius attestentur. Respexit ad rescripta Pontificum quæ ab Holstenio edita sunt; de quibus etiam intelligenda sunt quæ idem ait in epistola sequenti, in qua scribit ad Episcopos & Clericos Græcos mirari se & vehementer*

obstupescere quod illi sanctorum patrum canones obturatis oculis relegissent, & calata conscientia terminos aeternos à patribus positos transflissent, & in alienam messem judicij falcem misissent, in Illyrici provincias, quas tum Bulgarum natio retinebat, ingredientes, & ordinationes illicitas perpetrantes, cùm & sacra Concilia sub sede beati Petri Apostolorum principis has olim provincias deguisse patenter innuant, & rerum gestarum à sancto Damaso Papa conscripta manifestè denuntient.

IV. Sed instar omnium esse debet una Innocentij primi testificatio, ut qui non ita multò post Damasum in principali cathedra sed sit. Hic enim ad Anysium Acholij successorem scribens, ait se ipsi eandem potestatem committere quam à Damaso, Siricio, & Anastasio ante acceperat. *Cui etiam (id est, Anysio) tanti ac tales viri predecessores mei Episcopi, id est, sancte memorie Damasi, Siricius, atque supra memoratus vir, (id est, Anastasius) ita detulerunt, ut omnia que in illis partibus gererentur sanctitati tue, que plena iustitia est, traherent cognoscenda.* Et in epistola ad Rufum, qua ei delegat vices suas per Illyricum, non primitus *h.e.c ita statuentes*, inquit, sed precessores nostros apostolicos imitati, qui beatissimis Acholio & Anysio injungi pro corum meritis ista voluerunt.

V. Sed adversus illa quæ de Damaso dicta sunt opponi potest epistola Siricij, qui Damaso proxime successit, ad Anysium: in qua vices suas per Illyricum delegans huic Episcopo, quem Damasi Vicarium fuisse scribit Innocentius, nullam Damasi mentionem facit, haud dubiè facturus, si eadem auctoritas ab illo tributa Anysio fuisset. Præterea Leo primus rep̄tens primordia vicariatus Episcoporum Thessalonicensium in epistola ad Anastasium quæ ab Holstenio edita est, à Siricio incipit, omisso Damaso. Vnde concludi potest initia istius vicariatus Siricio deberi, non autem Damaso, contraria placuit Innocentio, Nicolao, & Ioanni Pontificibus Romanis. Itaque altius investigandum est, querendaque ratio aliqua concilianda hujus controversia. Faciem heic nobis commodissimè præferet epistola Leonis de qua mox diximus: in qua tametsi vicariatum Thessalonicensem repeatat à Siricij delegatione, indicat aliquam ante illum fuisse istiusmodi delegationem in Illyrico, sed quæ certa tum primum ratione firmata sit. Ex quo colligere possumus Damasum mandata interdum aliqua, ubi occasio tulit, dedisse Acholij & Anysio, certè nihil mansurum fancivisse, hoc verò exemplo invitatum Siricium vices suas Anysio commisso